

謂卽孔有德後訪乃李九成也李本夷種
驍勇絕倫天實假手塌城以殺之差強人
意差人齋

奏人京并達 按院塘報被賊阻回四鼓賊攻
塌角猛甚三躍而上我兵三却之賊之弊
於砲及火礮者不可計數亦力攻西門砲
石俱下不得過壕傷賊十餘人黎明始退
二十四日東北角議修重城鳩工集木運土
堅築塚口盡增木塚賊對北角新置一臺

惡氛愈熾差指揮武大威持牌督催援兵
并齋

奏快手郭尙文共九人各執鎗於二鼓縋城去
二十五日黎明賊放紅夷砲打東北角樓破
碎已甚余發家丁一百四十名謝丁一百
名楊丁一百五十名川兵共水兵四百名
趙鄉宦家人二十名胡生員家人四名出
南門與賊對仗衝打數十合相持半日奪
獲大砲五位火藥鉛子十餘袋傷賊甚衆

運火藥柴草置穴中北臺繕治益壯時時
刻刻如處漏舟而濟大江載胥之患言之
鼻酸本夜覓人往平度州令援兵毋急入
萊恐爲所筭聽 按院約期同進

二十九日黎明發兵出南北二門東北角掘
開隧道我兵墜隧不能出者五六人被砲
打死者四十餘人百戶白仲仁累立戰功
今死之輕傷者二百餘人然洞塌而賊難
猝入所全甚大賊掘隧道六七處皆陸續

遣人燒塌惟此洞賊護之甚嚴洞口大於一室可容百餘人內分三股一股對角樓一股往南一股往西不掏穿城腳而從下掏上故城遂崩裂從來掏洞爲攻城末策未有若此賊之善掏者鄉紳各出壯丁爲背城借一之計卽張北海遣二十六人而隕其四傷其八餘可知已賊列砲如雲而我兵向砲中闖出安得不傷然傷數十人而救閣城生命不得不爾南門與賊衝殺

我兵僅傷四人南北共傷賊數十都司王武揚以砲炸傷唇及腹二鼓賊攻東北角執挨牌直抵城腳欲從塌處上我兵擊敗之且却且前傷賊甚衆四鼓又兼攻東西二門及西北角皆擊敗之賊死多矣有臨清營遊擊孫光耀遣家丁靳懷德持稟帖至始知二十三日進平度州者乃鋒臨二營并續到川營兵四千又有白棍手隨兵助陣約期與昌邑兵同進而城兵亦磨礪

後忠烈公集 卷之二
以須使賊腹背受敵賊乃釜中魚耳後訪
之膠州川兵未到

三月初一日集鄉紳於北門樓各醵金犒兵
共得銀五千八十兩足辦此賊矣賊尙運
草於東北角以繕砲臺至洞已燒塌尙有
賊在洞邊熟視徘徊以二十日苦功隳於
一旦也洞中火將滅任通判遣人拋下火
確柴草始被賊勾去愈勾愈拋火勢甚盛
勾之不及晝夜炎焰賊不能復入洞中矣

西城雲梯縋人燒之而賊不覺東城雲梯
縋人繫上本夜差家丁聶登岳同臨營差
役調西南二路兵馬刻期前進奈聶登岳
阻回西路公文不得達尙有三人往平度
州者不知得脫去否

初二日東北角砲擊傷一穿紅賊遙望作痛
楚狀裂衣而仆賊將關廂內委巷墻垣盡
毀而留其外護周遭城墻外掘壕又列砦
三四重以防我兵出擊三鼓賊穴城西北

水溝砲擊之不退五鼓前十五日所遣萊
衛百戶張應科至始知 按院於二十七
日已到昌邑而大兵於初二日已過新河
平度兵已抵蘓村據張弁所聞如此

初三日賊向水溝北掘隧道可容十五人繼
下五人被賊傷其一而城上不能救亦砲
傷賊二東北培城青矜皆執筐助運凡九
日而報竣賞荷鍤者四百餘人本夜不敢
攻城而馬賊俱往西南二路關廂不過四
五百賊耳車載驢駝盡往東北似作回登
之計

初四日黎明前二十四日差與武大威同行
二人至始知齋

奏快手郭尙文已抵都門而 按院尙在青州
進兵未有期也鄧圪川兵四千聞已入東
省境須之尙得半月耳相期堅守張弁之
言耳食也東北角樓連城塌下雖三尺童
子可以平步而上但防守甚嚴而幫城頗

後忠烈公集 卷之二
寬能站二百兵禦敵賊未敢輕犯西城睥
睨剝蝕被掬可虞亦照東北側土培而掏
出一穴以禦之業起王矣三鼓前差平度
三人內得去二人朱延祿差官二員至始
知各兵尙戀平度不肯進仍差聶登岳齋
按院塘報及催兵各檄去

初五日黎明總兵劉國柱發奇兵六百騎援
萊行至南關馬墜壕塹被賊衝散其半突
圍而入者止三百五十七人城中聲勢益

壯細訪之賊並未交鬪只在林麓中吶喊
一聲而我兵却者卽奔回亦原無六百之
數惟是馬墜壕者僅傷五六人耳西兵已
過新河鄧圪統川兵四千前鋒已至濰縣
餘俱至青州界三日內可合營而前矣平
度兵亦擬初六日發行而尙以無人防守
平度爲辭午間余偕謝韶老親勘城內穴
土堅不可破何忍傷之遂已其役本夜遣
朱遊擊原差二官賚 按院塘報并調各

營兵馬被賊阻回有真保一騎爲賊所獲
綁遊四門騎罵曰大兵卽臨汝死霎時速
殺我我無憾焉遂砍死

初六日天津夷丁五十名驍勇能殺賊賊憚
之又楊總鎮名下夷目馬岱與各夷一種
余給遊擊劄付時犒以酒岱深德余因語
各夷云徐都爺待我甚厚吾輩當皈依効
力引各夷羅拜棄懦將而來附政當乘機
鼓舞余設牛酒勞之席地而坐鼓瑟吹箏

余與楊總鎮携盒聽酌逾時乃散而夷丁
始爲我用矣西門培城工幾半繫石於竿
以擊隧道而未見崩墜必掏土未及城根
也本夜差人復被阻回四鼓鄉兵張有恒
原經余給劄糾衆取登今來報命於二月
十六日鄉兵被賊殺死千餘俱散訖惟耿
仲明間牒已投果有二心殺賊三百餘於
三月初四日土其門矣又水城各兵乘舟
逸去則賊大勢將散但恐傳言非真耳又

徐忠烈公集 卷之二 三
云李九成折腿回登未死見在水城

初七日給張有恒牌行招遠等縣招集鄉兵
隨大兵進勦仍諭耿仲明堅持忠義未卜
能達否又云毛承祿領兵在登城演武場
扎營李九成出賸賞各兵每名銀五兩則
順賊矣亦非確信總兵鄧玘領川兵四千
以糧道楊作楫監之將官馬爌領宣大馬
兵二千以陽和道馬士英監之馬道至青
州合兵卽回大約初十左右可合營前進
賊自初一早傷敗以後並未攻城暮贊畫
張國臣遣人持書求撫且兵部據其塘報
以達

御覽謂賊一聞


天子詔使遂止兵攻掠又云差官宣諭李九成
等遂撤兵不攻不啻說鬼說夢以欺

朝廷而中賊計恨不能借

尙方劔誅此大奸細也本夜差人遞 按院塘

報八人盡阻回竟日颶風發屋揚沙

初八日賊於東北角另掏二洞俱入城根一
洞容五六十人俱逼難民爲之勢甚洶湧
西北洞內止有十餘人城上樹三竿懸石
捶土未塌賊揚兵往西南約六七百騎誘
我兵之出擊也送塘報六人五人阻回一
人去未卜得達否

初九日委遊擊孫汝行專督兵在西北掏洞
處防守遊擊李楠專督兵在東北塌角處
防守叅將李景整兵聽候不時調度城

內火藥米糧儘有餘用所少者馬草朱知
府延門持鉢二日內得草萬束可足半月
之用無他虞矣連夜遣人俱被阻回楊總
戎定議挑選驍騎十一名嚮道一名各給
一塘報又選步兵六十名驍騎于高春等
出南門迤西步兵先行板砦馬兵飛馳前
往賊覺而馬兵去數里步兵回過壕矣真
奇策也惟天津一騎怯而返

初十日東北角樓內另築女牆一道其高可

以避賊臺之砲卽角樓被掏盡圮而此墻可捍禦業鳩工運磚不日可成西北培城報竣竭蹶凡六日迤北議再幫工甫撤而復興無日不擊死賊十餘人東北擊死一賊首須臾數百賊皆頓足

十一日東北女墻已築過半西北幫城亦就緒矣皆賴鄉紳家大木如林用之不竭至於捐助餉兵靡不傾儲以出而張北海趙芝亭尤倡義樂輸晝夜登埤爲綢繆計彭

叅將身處東北危城構新墻而布神器瑕反爲堅功無以尙東城走過一童子被賊擄入月餘云前月二十九夜攻城賊死者無論被傷者三百餘人扶回登州耿仲明拒之李九成於水城繫上二百餘有輕傷者六十餘仍回營賊發附郭墓塚倒棺擲骸換賊屍仍瘞穴內仁人孝子何以爲心檢發書辦馬十三匹給家丁騎坐射出免死票千葉以渙賊心而賊亦以逆詞還射

十二月大風晝晦余在射圃演試有馬官丁
騎射朱郡守來謁知老庫火藥尙有三楹
乃

神宗朝備倭貯之者而留爲今日之用豈非天
意哉用過火藥三萬觔尙屬新購日以五
十餘人鑄銅鐵鉛子僅足供用

十三日圍城四十日百姓帖然市賣貨物童
穉嬉戲郡守開倉糴穀而買者甚稀乃知
民間尙有積貯也午後遙睇戰艦二十餘

號泊芙蓉島必係徐樹聲帶川浙兵七百
從膠州來度非賊艘可知二鼓時楊總戎
將城上竿平出城外竿杪樹懸樓令五人
入樓中持火礮藥包丟入洞內因火礮不
接洞內逸出十餘賊復向北門取火礮連
下燒入洞中板柱賊焚死者數十腥不可
可聞狡賊掏洞十日填命已多一旦付之
丙丁楊總戎妙筭卽武侯曷以加焉

十四日賊掠耕牛驢騾百頭駝糧草運入西

關不知何村又遭屠戮一春亢旱本日微
雨簷水瀝瀝數聲而止黃昏復入西北洞
內我兵所拋火礮盡被潑隱反傷家丁張
錫東北角洞口賊送飯三次俱被川兵擊
殺賊餓極於薄暮出洞換班川兵鎗砲齊
發打死賊六人洞乃賊送命之所又向憂
焉

十五日發津保兵各百名川兵五十名本院
家丁一百五十名防院家丁五十名楊總
戎家丁一百名出南門一股往南街堵賊
令城內壯丁搬運木料數千觔入城一股
往東南營盤生擒二賊因爭功者多割首
級呈報射死賊首項進忠賊從西來一標
川兵大砲迎之擊死五六賊又在南門衝
殺良久川兵三眼鎗傷賊無算奪獲大砲
一位百子砲三位鳥機二竿戰甲一身招
旗一竿大銅鑼一面鼓三面猪二口驢一
頭鐵鍋七口火藥鉛子數袋我兵陣亡津

營一人門夫一人其餘輕傷三十餘人可謂大捷東北角日間擊死三賊夜間擊死五賊西北堞口被賊用紅夷砲擊傷六七處夜間修砌泥水匠被傷三人西城迤北培土報竣王凡五日

十六日東北角女牆上雉頭森列賊瞻望歎息初更謝韶老約南樓護月酌酒數巡鼓聲大振賊疑出擊有魚駭鹿奔之狀東北角擊死九賊西北擊死二賊洞中雖有伏匿而出土甚稀亦得一燒之力照東北另築女牆業樹木矣

十七日西北擊死一賊首遙見賊營縞素携紙相弔東北擊死賊十餘人是夜四鼓防院鮑都司率兵二十名持火礮蹂塌角而下火其洞口洞中突出四五賊砍殺其三又城上砲擊死數賊洞中燒死數賊我兵竟往隧道中探之弘做列炬賊實寢處其中直抵城根矣尙有二三處深不踰四尺

乃賊故設此以嚇我者除此一患防守少
易惟西北尚須調度以破之

十八日草疏已就擬遣馬騎突圍因念絕日
未發三鼓東北角復縱三人添薪燒洞賊
背門板擁集壕邊救火被砲擊回又擁上
又擊回傷賊數十人

十九日立夏一春來柳媽花媚光景盡消沉
於戊樓刀斗可勝浩歎黃昏遣人突圍俱
怯而返西北掏洞已到城墻墻邊攔馬擐
覺浮動又立竿懸石以捶之幕徐惟明
貪橫笞十五褫其職閣稱快

二十日黎明懸石捶洞十餘下洞卽塌以火
燒之迤西又捶又塌約三丈餘火勢猛烈
賊十八日之工又填數十性命祇供一炬
悍而愚哉夜來縱人探洞業已進城身二
尺許若不捶塌則城必受環一之已甚可
容再乎除此差爲撥悶賊尚在洞內另掏
又當設法制之

二十一日因西門兩臺並峙竟與城埒東北
魏挿一臺高出城表兵民皇皇久矣本日
停午西臺賊偶失火楊總戎命射火箭燒
其臺草房遂延燒北臺余以不得燒南臺
爲恙楊總戎及張北海晒余望蜀乃火箭
已貫入臺內忽報南臺起烟未幾紅光燭
天賊澆水如澆油竟不可滅余卽遣人持
令箭諭彭叅將亦以火箭射東北臺適守
汛鮑都司在此熟視急回舉放火箭川兵
營守備王國臣射箭一枝刺木青烟鬱起
烈焰飛騰延燒窩舖數十舍紅夷砲燒雖
未鎔必損壞矣擊死救火賊二百餘瞬息
間三臺成燼雖曰人事豈非天意哉

二十二日郡守備牲禮請余與防院拜謝火
帝風伯亭午發津保營兵余丁謝丁楊丁
內府丁共五百餘名出擊東西各一股對
仗半日傷賊數十割級止一顆百姓運進
木料無筭五倍於十五日我兵止輕傷十

餘人奪獲百子砲一門三眼鎗一門鐵鍋數十口堪稱大捷東北角昨夜縫下張刷兒張三兒衢尙德竟入洞中從下鑿上土厚丈餘經宿未得透至飯後始穿一孔望見天日乃復繫上消賊覬覦之念亦奇事也本夜拋火礮燒之

二十三日賊又築臺於演武塲望海樓上置紅夷砲打入城內以高臨下未免壞垣人各聽之於命矣薄暮小雨復霽本夜

劉應坤齋

奏入京差王定國下

按院塘報并檄催援兵

一鼓縫城候至更深忽零雨濛濛可知暗度

二十四日賊躡看南寨見去役踪跡詫曰走了蠻子呀鞭撻守寨之賊適爲我差役送信也東北角十餘賊復進洞砲擊死數賊西北賊砲傷一真保兵懸石捶洞未塌前所塌汲水灌之自午刻灌至達旦而賊復

入掏洞如故不知其解又懸石捶之東北
角是夜砲擊死賊七人餘俱出洞走

二十五日賊在望海樓打進鐵子每個重十
二觔連發不斷十餘賊復入東北隧道中
真閔不畏死未知府集銅鐵匠晝夜鑄鐵
子限每日三千餘尙不足供用西北洞中
賊俱負塗而出不見運土則灌水之得力
可知薄暮余與張北海同往月城看灌水
轉至樓堦忽一彈從余面前擊至窓板崩

地濺北海右脛微疼何其險也四鼓賊八
面環攻唯攻東北角城樓忽盡卸賊四百
餘蜂擁而上業樹賊幟於城頭幾不可遏
矣彭叅將率兵丁登重城上鎗砲矢石齊
下傷賊無筭却之攻西門亦急亦以砲石
却之火其一梯南門繫其三梯東門火其
一梯繫其一梯北門火其一梯無一處不
傷賊數十共殺賊五百之外衆賊有怨賊
首者從來攻城未有此番殺賊甚多亦未

有此番十分危迫本夜謝防院遣三人下
按院塘報

二十六日余遣長鎗手三十名貼防東北角
本夜未攻城

二十七日賊又移一營於西南以防我兵之
出東門火賊一小臺夜來鄉紳同楊總戎
決計於西門月城內穿一竇發兵毀洞余
力止之賊方穴城而我又自穴况穿之易
堵之難萬萬不可塘報被賊阻回未發

二十八日賊於東門掘壕列寨深丈餘濶七
尺被擄童子繫上云離城二十五里見棲
霞縣持 按院回文一角內稱大兵二十
七日在青州發行有經畧督領川兵已到
未知果否

二十九日復灌水西北洞中賊連發火砲擊
碎石溜俟天黑再灌洞北鳩衆幫城

三十日因西北掏洞日久共切憂皇悉發兵
五百名出北門令門夫班軍二百名各持

鐵鑿挨牌隨後我兵過壕竟闖賊營連砍
數賊賊抵西北與我對仗夫役從洞口挖
掘丈餘逾時未竣被賊移紅夷砲擊傷夫
役三四名遂鳴金收兵是役也割獲首級
二顆發萬人敵燒賊數十奪獲西洋小砲
三位百子砲二位坐地砲一位倭刀二把
戰甲四身明盔五頂救出洞中難民十四
人詢知灌水之功洞中賊俱浸水中不能
舉鍾兼和以洩溺臭穢難當乃余創此議
不知其得力若此除此大憂又獲大捷閭
城稱快我兵陣亡三人輕傷十餘人東北
角打死馬賊七人二鼓繼難民三人掘尋
隧道深至五尺而未直頂板賊覺而上詢
難民始知前所洩芙蓉島船乃賊艘也屠
島民三千

四月初一日犒賞出城官兵有差水口被賊
壘二鼓繼二兵三難民疏之遂湧溢聲沸
初二日幫西北城未竣乘月未牖繼人掘隧

後忠烈公集 卷之二
道未透

初三日發兵出南門我兵孫玉增等拔寨趕賊直趨沙河抵稽古寺砲傷賊數十焚臺二座西南一股勝負相半亦焚臺一座居民搬進寨木無筭斬獲首級一顆得大砲一位百子砲一位鳥機一竿明盛一頂長鎗五竿刀二口蓋圍困兩月援兵杳然不得不屢出擾之東門繫上難民云我兵已到昌邑賊往新河迎敵誇稱攻剋萊州卽攻青州攻濟南竟上南京其立志誕妄若此

初四日賊飛騎往西南望見福祿山大路灰塵四起旗幟兵馬似合似離似有大兵東來賊衆退保山頭之意西門附郭草房爲賊巢穴以火箭射燒六十餘楹囤積擄糧俱煨燼

初五日有戰艦自西來約四十艘泊芙蓉島未知是兵是賊據彭叅將認係渠船必裝

載昌邑兵渡海而來者果爾則西兵之進
可知東城繼人火其草房武定營兵蕭有
文因箭傷死大鐵子入城並未傷人止傷
趙宦一廝養年十六街上閑行落子穿腹
以線縫之猶能啖飯黃昏忽對父母云我
將去矣有船三隻裝人已滿二船其一船
亦半滿邀我入此船去今船已到矣須臾
逝豈非劫數哉

初六日內府徐翟二公移席賀防院新居招
余同飲薄暮忽聞西南放砲數十聲約四
十餘里許似係我兵與賊交鋒黃昏砲數
聲四鼓砲五聲

初七日巳刻砲響四五聲後便寂然余與楊
總戎作主酌防院西北洞門忽塌三鼓雨
後砲聲不斷批委鮑守正領營兵五百訓
練

初八日黎明砲聲轟轟漸逼約十四五里許
賊勢似不能支防院招飲委秦大鵬總領

班軍門夫共五百名分爲五哨編隊演藝
點過彭叅將帶來水兵一百各給器械堪
充一旅收力士蔣德先等四名薄暮南山
步賊假充我兵馬賊四五百假裝迎敵誘
我開門出擊幸持重不墮其計本夜砲竟
絕響援兵不至守尙有餘所少者馬草耳
望海樓紅夷砲及四門滅砲逐日施放
止傷東城北城門夫各一人西北崩壞塚
口陸續壘完

初九日望見芙蓉島泊船約五十隻似係天
津發來水兵秦大鵬操班軍門夫鮑守
正操演萊營兵府製竹鎗五百餘竿大壯
軍容

初十日從城上回署忽一彈繇馬首經過辰
刻西南砲聲隆隆起似交鋒者賊四圍施
砲虛而示之實也余令城上毋發砲以誘
其攻薄暮雷雨交作須臾散

十一日望見西南海船百餘號往小石島其

非賊艘可知忽聽西南砲數聲斷而不聯似在相持之際射進謾書俱放誕不經秦大鵬領府造竹鎗三百竿

十二日微聞西南砲數聲薄暮望海樓連發紅夷砲十餘鐵子更大並未傷人

十三日天將曙有鄧總兵差來二人齋有塘報內稱初六日我兵抵沙河未及安營賊卽迎敵用砲擊敗之初七至初十連日攻打俱我兵大捷川兵釘賊紅夷砲眼俾不

得用而我營內有紅夷大砲四位深得其力初十日傷賊一頭目衆閃然散退六里許我兵尚扎營未進共西兵一萬五千內撥二千防護輜重經畧劉滄嶼及按院俱任昌邑道廳俱任新河催餉糧運

聖旨嘉獎彭叅將加陞二級自三月初五日馬騎入城之後僅得此報不啻空谷之足音閭城所慰聞西南砲數聲

十四日黎明聞西南砲三四聲已刻又數聲

薄暮賊遣津營奸細羅宗禹至城下繫上口稱西兵被賊兩燒其糧饑餓六日只得往村庄搜糧被賊截擄六十餘而渠與焉卽十四日事也又云十二日三總兵與賊首講和業已鑽刀說誓皆搖惑軍心之言夜間秦大鵬搜其袖中得紅帽一頂號布一幅始供賊令說津營從叛并各營兵俱從叛免死遂得行間確報二鼓用火箭射燒西城外草房數楹時聞西南砲聲

十五日黎明聞西南砲三聲奸細羅宗禹卽宜梟示因西營兵有狐兔之意故送府禁獄以潛斃之而安津營之心西兵與賊相持十日矣未敢衝殺前進似覺持重太過楊總戎家丁霍雲光又射燒西門外草房三十餘楹未刻以後賊馬步車輛旗幟從西南回來俱垂首喪氣似敗歸之狀

十六日午時賊在南門迤西放紅夷砲攻城連打不絕徐撫院在城點兵擊賊左右請少避之公曰不可未時爲賊砲所中額骨破碎身倒血管中尙指衆大呼曰我死當

作厲鬼殺賊爾等堅守勿怖語畢氣遂絕
 卽時謝防院楊總鎮同翟徐二內監朱郡
 守洪縣令等皆親為衣殮從侯生員家得
 紫紗板治棺次日入殮 萊州鄉宦賈毓
 祥續紀

定譁兵畧

昔 成祖建業燕都北平 諸衛漁陽最雄南

江淮北連朔漠山海環峙為朶顏三十六家貢
 道誠雍冀之咽喉神京之右臂也但邊陲重鎮
 軍需孔亟東西兩協各有新河漕運師多宿飽
 惟中協仰給部餉間關以邇不能朝夕舳舻而
 至也中協以東至寬河逼近番夷番夷古女真
 也以故越支諸部卒儲粟 凡弗容久稽而由析
 津達銅馬門相去千有餘里緩急無恃一旦月

餉愆期數萬之衆呼庚嘯聚爲沙中語故往往肆浴鐵於山原焉余初淮上劇日以此爲憂屢控當事至再至三曾未有以爲念及之者亡何司農告匱玉府中虛止給去年七月糧後運莫繼而餉司又不善撫諭遂於二月二十九日南兵營臺兵丁科白羊營臺兵周得勝等首先傳烽倡亂糾本關陶文進鮑國憲邵思春及太平路韓旗牌喜峯路梁百總宣武營王子亮東遊營蘇金洪山口旗牌張文奎駐防營哨官朱國盛

漢兒庄陳百總馬蘭路旗牌王自明神器營勇壯趙祿陳龍等互爲倡率逆心相傳播數日間一呼百應各軍共推丁科爲難首分五營而陣由喜峯路至白羊谷與臺兵爲一營由太平路至漢兒庄與宣武營爲一營由洪山口至潘家口與駐防營及臺兵爲一營由羅文口合東遊營與神器營暨民壯爲一營馬蘭路先立一營屯遵化城西科等議曰吾輩離城若遠不足以悚懼人心要挾撫院衆然之初六日俱至五里橋

合一大營晁後有黃崖一雷者亦聞風來從初
七初八兩日科乃主中軍如率百人爲徹行行
頭皆設僞官載黃羽建肥如奉文犀之渠十行
一小帥振鐸秉枹十旌一大帥環甲拱稽以爲
五花陣越數日乃定至十有二日昏科又戒令
秣馬食士鳴鑼擊鐸燬車營繫命使掠關廂勇
怯皆譁聲撼天地撫君諭之不聽按君諭之不
聽本轄鎮協諭之不聽率甲士數萬以勢攻王
撫大駭他藩臬諸司惴惴不敢前惟周軍飭壘
令胥吏請事而已邊遽至以譁亂告余聞變飛
騎援遵衝營排陣勿之顧也軍中各遙指而呼
之曰此好官此好官毋驚動始得入城而陳王
撫解散之策惟有給糧爲今日第一議卽辭出
單車詣營盤呼亂兵語之曰爾等皆吾浴血于
城爲饑所迫故至此吾不忍遽加誅特來從寬
典給三月糧速歸爾信地否則吾將擊汝軍中
歡聲如雷各羅拜而泣曰真神明父母也吾輩
忍饑日久告討役過糧餉非有他意共設誓歸

伍軍心乃安余卽日同鎮協給散迄兩晝夜慮未及遍望梅智短中心如焚適京運繼至因得普給各軍始翕然允服余卽覆王撫軍撫軍曰若可以鑑而鳩營壘乎余曰臺軍恃勢營軍恃險復何所憚於是共登闔而望之見其旌旗甲冑如故尙未有振咎志也余再入營宣諭曉以利害忽軍中虎嘯兇嗥檠戟如雨欲留道鎮爲憤聲言必求八月全給兼得赦書方歸信地忽各兵中有大聲疾呼者曰吾輩非徐兵爺何以

有今日留鎮爺可也余與十數騎突圍而出入陳兩院方畧曰此借柙兵爲驕兵也要挾不已長此安窮須以兵威震之或可少戢而散乎兩院曰甚善余卽密遣親丁一千名統以中軍陳錦調總鎮夷丁五百名統以都司虎力更調旗鼓麻錫爵標下驍騎六百名各整隊於遵陽之南濠軍容盛張衆兵大怖棄甲釋刃有如北奔余於東門城上親傳令箭掣柙不許追趕妄戮一人以仰體 聖明好生之念三月十五日獲

其魁丁科等九名余面鞫之科曰科本魯夫未嘗知兵有張文奎者原係牢子出身後充頭營旗牌向來脅制官長凌鑠軍丁科見其雄標善戰令文奎掌管執旗督陣各營悉聽調度外此而與科同謀首事者則周得勝也參室書記者則羅子明也入幕借籌者則陳鬍子也武健善鬪者則李得成也分路哨探者則孫蛟毛大高也緣借索餉爲名實皆包藏禍心妄希圖大今事不成被擒天也余撤其詞械送喻制臺制臺

卽拜疏於四月初四日奉

聖旨譚軍首惡

丁科等九名正法梟示脅從各軍姑宥不究余卽恭設令旗會同該鎮立梟之傳示沿邊臺伍肅清不敢復生亂心然其所以致亂之故與定亂之方則有大畧可記者夫功罪不明不足以鼓三軍之氣而利弊不悉不能以革沿習之風前者營路臺丁雖鼓譟成風究竟發難之端實繇二三貪婪過激其變如東遊營都司楊維寧轄兵千有百人而核實不及五百又於五百之

中巧立名色半滿私橐每名月給銀一兩則曰
支銀貯糴淹飾耳目且以十之七者歸兵而以
十之三者歸已矣每名月給米六斗則曰召買
無銀稽遲歲月并不欲以十之七者歸兵而以
十之三者歸已矣宜各兵之洶洶不平痛爲戮
辱也至西遊營遊擊劉尙仁其侵漁弊竇與東
遊同而穢跡尤著鑽刺偏工如河南南陽之不
可問也各兵新歸喘息未定輒加鞭箠以示威
武各兵復譁然起欲得其肉而寢處焉遂狼奔

鼠竄以避其鋒其伎倆更不逮於楊矣宣武營
駐防空糧雖差於東西遊營然亦十不得七遊
擊孫大啟猥瑣齷齪表率無能卽其給發糧銀
竟以一月肥囊而以兩月爲各軍三月之餉尙
謂寬然有餘地者以故十三日猶擁集頭目潛
在城索餉得余憲檄歸伍方有懼色倉皇出走
平時不能鈐制臨變復爲利階其罪尙可追乎
馬蘭路副將李承爵初受事卽有穢聲謗揭通
衢猶如充耳所轄軍士空谷而來啣之入骨欲

甘心焉毫不知悛反以嚇詐驚疑之事煽惑軍
心至變起倉猝莫可誰何其狡惡無智有不可
殫述者太平路叅將趙忠浩性本謏劣不堪任
重自白羊谷傳烽而不聞消弭之術迄漢兒庄
成隊而未見追趕之勞安坐同於木石辨揭漫
肆分投其刁頑變詐真出人意表者也遵化左
營遊擊王應采當兵亂之時分命守城則曰吾
所屬者應援之兵也及鎮守提兵而出不聞以
一矢相加迨兵已散矣乃長篇累牘效忠於兩

院曰須急請發帑以救目前之變張皇其說如
在醉夢中其蓄縮庸懦何其下也之數弁者奸
宄百出貪黠非常上玷官箴下開軍釁幾何而
不爲朝廷之大患也哉他如功過相準利害適
均者則有協守楊文魁雖臺兵倡亂奮勇當先
然素知恤軍未彰怨毒尙能相隨往諭不避斧
鉞亦足以見其忠勤之一班矣南兵營叅將顧
明德因戎首實出其偏裨而臺兵又先於肆志
責有攸歸罪誠莫諉但去年東西二協俱各離

臺援兵宜武相繼呼譟明德獨能竭蹶以從而南兵愛戴如出一口則平昔之加恩撫字可知也若鎮守麻登雲周旋左右甘與士卒同勞一秉鉞間譁兵立解第以給餉踰時兩院責其不能約束是誠可原也而沉機應變永杜刁風有足多焉余承諭制臺將領不能鈐束之檄隨卽一一訪確申報復遣牌宣示諸軍令各守信地而南北兩營將士靡不傾心悅服悉歸營伍自茲而後兵之譁者既定疑者已安威懾之而揭

竿之端永戢信感之而捍牧之功可收縱岩疆多事保無風鶴之驚矣是役也衝鋒破敵則虎力其首功刻期不爽則陳錦其後勁若米豐隆陶進麻錫爵于冲雲李威席天良孫玉增張鳳周紹先翁鳴遠皆慷慨直前以解城圍者也遵化右營遊擊周鎮率同中軍張斌協守固圍紀律森嚴敵不敢犯以當北門之鎖鑰者也至於慨發萬兩以佐軍需霄旦登埤以緝間謀焦勞拮据文武全材者遵化知縣武啟潛也那銀濟

急捐俸犒軍者豐潤知縣陳如錦也領儲而出
誼切急公者署州推官何天球也多方轉貸輸
挽獨先者玉田知縣楊初芳也諸如永平之泛
舟隣國灤州之予糴友邦者更可嘉矣若夫制
臺喻公鴻猷備畧秘計沉謀血誠足動主知而
十六萬緡一時沛發指揮猶如臂使而四圍驕
卒片刻星馳使各兵知恩於先畏威於後內安
外攘厥伐不小非余所能領其萬一也予惟席
藁以待罪不意轉膺殊典乃若文吏之職則有

之曷敢貪天之功以爲己力哉厥後予密上一
揭請喻公表公兩制臺曰臺兵晝夜支瞭擔水
負米攀躋懸崖其苦更倍且墻外族類遍滿蠢
蠢思動倘一旦京運不接各營遲滯奸民乘隙
竊發窮夷因間蹂躪一搖足間則關以東非
國家有也予日抱杞憂更祈本部院軫念危疆
特賜請發不致愆期庶巖關有賴永無意外之
虞耳芻蕘之言諄諄上陳而兩臺得當與否又
非予之敢自必也大抵邊關重地四方遊集之

徒狡猾不常率多強悍間有不洽輒譁然而起
况東道行李極目蕭條而可以靡屨資糧告餒
廩索乎近日塞堡多殘津梁失險天下情形十
去五六而中朝晏安將驕卒情相率成風此
誠賈長沙痛哭流涕之時也予爰爲之畧以誌
當日譁兵巔末俾當事者採而攬之或少有一
得可助而保

廷無東顧憂是予之志也夫

